

# 诸葛亮前出师表

后汉文

臣亮言、先帝创业未半、而中道崩殂。

先帝、汉昭烈帝刘备也。即位才三年而没。○万难心事、已倾泻此二语。

今天下三分、

蜀、吴、魏。

益州疲敝、

益州、蜀也。蜀小兵弱、敌大国、故云疲敝。

此诚危急存亡之秋也。

先提明形势。

然侍卫之臣、

不懈于内、忠志之士、忘身于外者、盖追先帝之殊遇、欲报之于陛下

也。

次叙群情、起下用人。

诚宜开张圣听、以光先帝遗德、恢宏志士之气、不宜妄自菲

薄、引喻失义、以塞忠谏之路也。

菲、轻也。言必上法尧舜、高自期许、不当妄自菲薄、引喻浅近、以失大义。○连说宜与不宜、发起一篇告戒之意。

宫中

府中、俱为一体、陟罚臧否、不宜异同。

宫中、禁中也。府中、大将军幕府也。陟、升也。臧否、善恶也。

若有作奸

犯科、

作奸伪、犯科条。○否。

及为忠善者、臧。宜付有司、论其刑赏、

陟罚。

以昭陛下平明

之治、

平明、无异同也。

不宜偏私、使内外异法也。

内外、谓官府。○宫中亲近、府中疏远、出师进表、着意全在此一段。

侍中侍郎郭

攸之、费祎、董允等、

郭攸之、费祎、俱为侍中。董允、为黄门侍郎。

此皆良实、志虑忠纯、是以先帝

简拔以遗陛下、愚以为宫中之事、事无大小、悉以咨之、然后施行、

必能裨<sup>悲</sup>、补阙漏、有所广益。

此段言宫中之事、宜开张圣听。

将军向宠、

向宠为中部督、典宿卫兵、迁中领军。

性行淑均、

晓畅军事、试用于昔日、先帝称之曰能、是以众议举宠以为督、愚以

为营中之事、事无大小、悉以咨之、必能使行阵和穆、优劣得所也。

此段言府中之事、宜开

张圣听。○时宵小伺伏、必有乘孔明远出、而蛊惑其君者、故亟亟荐引贤才、布列庶位以防之。

亲贤臣、远小人、此先汉所以兴隆也。亲小人、

远贤臣、此后汉所以倾颓也。

六句承上、作一关锁。

先帝在时、每与臣论此事、

论兴隆倾颓之事。

未

尝不叹息痛恨于桓灵也。

东汉桓帝灵帝、用阉竖败亡。○后主宠任黄皓、复蹈覆辙、尤可叹恨。

侍中尚书

陈震。

长史

张裔。

参军、

蒋琬。

此悉贞亮死节之臣也、愿陛下亲之信之、则汉室之隆、可计日而待也。

三人、皆孔明所进、恐出师后未必用、故又另嘱。缴应亲贤臣六句、下乃自叙出处本末。

臣本布衣、躬耕于南阳、

南阳、郡名。

苟全性命于乱世、

不求闻达于诸侯、

孔明学问过人处在此。

先帝不以臣卑鄙、猥自枉屈、三顾臣于草庐之

中、咨臣以当世之事、由是感激、遂许先帝以驱驰。

猥、曲也。南阳邓县西南、有诸葛亮宅、是刘备三顾处。○观其出处不苟、真伊

傳一流人。

后值倾覆、

献帝建安十三年、曹操败备于当阳长坂。

受任于败军之际、奉命于危难之间、尔来二

十有一年矣。

刘备以建安十三年败、遣亮使吴、求救于孙权。亮以建兴五年抗表北伐、自倾覆至此、整二十年。然则备始与亮相遇、在军败前一年也。

先帝知臣谨慎、

孔明一生、尽此谨慎二字。

故临崩寄臣以大事也。

先主于永安病笃、召亮嘱以后事曰、君才十倍曹丕、必能安国、终建大业。又敕后主曰、汝与丞相从事、事之如父。○伏后遗诏句。

受命以来、夙

夜忧叹、恐托付不效、以伤先帝之明、故五月渡泸、

建兴元年、南中

乱。三年春、亮率众征之、其秋悉平。泸、水名、出牂牁郡、中有瘴气、三四月渡必死。不毛、谓不生草木也。

今南方已定、兵甲已足、当奖帅三军、北

定中原、

中原、魏也。向之不即伐魏者、以南方未定、有内顾之忧耳。今毕南征、当兴北伐。

庶竭弩钝、攘除奸凶、兴复汉室、还于

旧都。

奸凶、谓曹丕也。旧都、谓雍洛二州、两汉所都也。

此臣之所以报先帝、而忠陛下之职分也。

心事光明

至

于斟酌损益、进尽忠言、则攸之、裨、允之任也。

收到攸之、裨、允处、极有关应。

愿陛下托

臣以讨贼兴复之效、不效则治臣之罪、以告先帝之灵。若无兴德之言、

则责攸之、祔、允之咎、以彰其慢。

二层、引起下一层。

陛下亦宜自谋、以咨诹善道、

察纳人言、深追先帝遗诏。

责重后主。应前开张圣听数语。

臣不胜<sub>升</sub>、受恩感激、今当远离、临

表涕泣、不知所云。

后主建兴五年、诸葛亮孔明率军北驻汉中、以图中原、临发上此疏。大意只重亲贤远佞、而亲贤尤为远佞之本。故始以开张圣听起、末以咨诹察纳收。篇中十三引先帝、勤勤恳恳、皆根极至诚之言、自是至文。